

divinam studio: non confidentiae propriae proposi-  
to, sed fidei & remissionis peccatorum propter  
Christum testimonio.

71. Testimonium autem istud, uti praeclarè ad-  
modum D. Bernhardus explicat, Serm. i. die An-  
nunc. Mariae, in tribus consistit, Primùm ut  
credamus, quod remissionem peccatorum  
non habeamus, nisi per indulgentiam Dei.  
Deinde, quod nihil prorsus boni habere  
queamus, nisi & hoc dederit ipse. Tum,  
quod æternam vitam nullis possimus ope-  
ribus prometeri, nisi gratis detur & illa.

72. Cui adstipulatur D. August. in fine con-  
cionis prime in Psalmum LXX. Tom. 8. ubi in-  
quit: Domine memorabor justitiae tuæ so-  
lius. O SOLIVS! Quid addidit SOLI-  
VS, rogo vos? Sufficeret, memorabor  
justitiae tuæ. SOLIVS inquit prorsus, ubi  
meam non cogito. Quid enim habes, quod  
non acceperisti? Si autem acceperisti, quid  
gloriaris, quasi non acceperis?

Iustitia tua SOLA liberat  
me: Mea SOLA non  
sunt nisi pec-  
cata.



DIS.